



**Politička organizacija građana "Naša stranka"**

Branilaca Sarajeva 5/1, 71 000 Sarajevo

Telefon: 033 408 888; Fax: 033 408 881

E-mail: [nasastranka@nasastranka.ba](mailto:nasastranka@nasastranka.ba)

Web: [www.nasastranka.ba](http://www.nasastranka.ba)

**Vildana Bešlija**

Zastupnica u Skupštini Kantona Sarajevo

Broj: \_\_\_\_/20

Sarajevo, 18.05.2020.

**Dostaviti:**

Bosna i Hercegovina

Federacija Bosne i Hercegovine

Kanton Sarajevo

Skupština Kantona Sarajevo

n/r predsjedavajući Skupštine Kantona Sarajevo

Uputiti: Vlada Kantona Sarajevo

Ministarstvo privrede KS

## **PREDMET: ZASTUPNIČKA INICIJATIVA**

Poštovani,

Na osnovu člana 106. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12), Vladi Kantona Sarajevo, nadležnom ministarstvu **ponavljam** inicijativu za **hitnu izradu i usvajanje odluka o zaštiti izvorišta, načina određivanja zona sanitarne zaštite i mjera zaštite izvorišta vode u Kantonu Sarajevo i programa mjera za otkup zemljišta u prvoj vodozaštitnoj zoni radi ograđivanja cjelokupne zaštitne zone.**

## **O B R A Z L O Ž E N J E**

S obzirom da nisam dobila odgovor od nadležnog ministarstva, te kako smatram da je ovo veoma važna tema ponavljam inicijativu i tražim pismen odgovor.

Uzimajući u obzir dugogodišnje probleme zbog kojih nije usvojena Odluka o zaštiti izvorišta vode za piće u Sarajvskom polju i na sporost u donošenju Odluka za ostala izvorišta u nadležnosti pojedinih općina, iniciram hitno usvajanje i donošenje istih.

Na osnovu Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva („Službene novine FBiH, hr. 88/12") i člana 68. Zakona o vodama Federacije BiH (Službene novine Federacije BiH, broj 70/06), odluku o zaštiti izvorišta čije se zone sanitarne zaštite prostiru na području jednog grada ili općine donosi nadležno gradsko, odnosno općinsko vijeće, a čije se zone

sanitarne zaštite prostiru na području više gradova ili općina u sastavu istog kantona donosi organ određen propisom kantona.

Iz odgovora KJKP „Vododvod i kanalizacija“ d.o.o. Sarajevo na moju prethodnu inicijativu od 17.12.2019. godine, vezanu za provjeru da li su sva izvorišta vode u Kantonu Sarajevo u svom obuhvatu zaštićena od neovlaštenog pristupa čvrstom i sigurnom ogradom, te drugim potrebnim mjerama fizičke zaštite i osiguranja, jasno je da mnoga izvorišta vode u našem kantonu nisu valjano zaštićena, zbog čega postoji opravdana bojazan od namjernog ili slučajnog zagađenja.

Također, Elaborat zaštite i utvrđivanja novih granica vodozaštitne zone u Sarajevskom polju iz 2014. godine, koji je izradio Institut za hidrotehniku Sarajevo apostrofira potrebu hitnog usvajanja odluka o zaštiti izvorišta.

Zbog svega navedenog, kao osiguranje zdravlja građana Kantona Sarajevo, predlažem hitnu izradu i usvajanje odluka o zaštiti izvorišta, načina određivanja zona sanitarne zaštite i mjera zaštite izvorišta vode u Kantonu Sarajevo i programa mjera za otkup zemljišta u prvoj vodozaštitnoj zoni radi ograđivanja cjelokupne zaštitne zone.

S poštovanjem,

---

**Vildana Bešlija**

Zastupnica u Skupštini Kantona Sarajevo

Naša stranka